



PRIMLJENO:		12-01-2026	
Organizaciona jedinica	Klasifikaciona oznaka	Redni broj	Redni datum
45		04.57021/77	

Broj: 14-02-04-00046/26
Datum: 07. 01. 2026. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući

PREDMET: Odgovor na zastupničku inicijativu, dostavlja se;
VEZA: Vaš akt, broj: 01-04-57021-6/25 od 16.12.2025. godine

Poštovani,

U skladu sa Vašim aktom, broj i datum veze, kojim ste nam dostavili zastupničku inicijativu zastupnika Selmanović Faruka koju je uputio na 27. radnoj sjednici Skupštine Kantona Sarajevo, održanoj dana 16.12.2025. godine, a koja glasi:

" Na osnovu člana 213. Poslovnika Skupštine Kantona Sarajevo, upućujem inicijativu Uredu za borbu protiv korupcije Kantona Sarajevo i Kantonalnoj upravi za inspekcijske poslove Kantona Sarajevo da izvrše provjere i inspekcijski nadzor u vezi sa boravkom djece u produženom boravku u Centru za odgoj, obrazovanje i rehabilitaciju "Vladimir Nazor".

Naime, postavlja se pitanje po kojem pravnom osnovu djeca borave u produženom boravku, a obzirom na to da individualni prilagođeni programi (IPP) nisu usvojeni, dok su roditelji primorani da sami finansiraju produženi boravak.

Također, tražim da se utvrdi da li je ovakva praksa u skladu s važećim zakonskim i podzakonskim aktima, ko je odgovoran za neusvajanje IPP-a, te ko snosi odgovornost za finansijsko opterećenje roditelja u situaciji kada sistem nije osigurao zakonom propisane uslove za obrazovanje i boravak djece s teškoćama u razvoju.", obavještavamo Vas da je Kantonalna uprava za inspekcijske poslove, putem nadležnog prosvjetnog inspektora, izvršila inspekcijski nadzor u navedenoj ustanovi, dana 29.12.2025. godine.

Ovim putem Vas upoznajemo da je članom 46. stav (5) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo" broj: 27/24) (u daljem tekstu: Zakon) propisano je da *Redovna osnovna škola i centar su obavezni da organizuju produženi boravak učenika kao poseban oblik odgojno-obrazovanog rada, u skladu sa pedagoškim standardima i normativima, a isti može biti sufinansiran iz Budžeta Kantona Sarajevo.*

Sadržajem odredbe člana 80. stav (1) Zakona je propisano da su Centri javne ustanove za odgoj, obrazovanje i rehabilitaciju učenika s različitim teškoćama u razvoju i učenika sa invaliditetom dok

je stavom (2) istog člana propisano da *Centar ima status pravnog lica u čijoj se djelatnosti mogu realizovati programi više nivoa odgoja i obrazovanja (predškolsko i/ili osnovno i/ili srednje) i drugi različiti programi za dobrobit učenika centra (internatski smještaj, poludnevni i dnevni smještaj, produženi boravak, edukacijsko-rehabilitacijski tretmani i dr.) sve uz prethodnu saglasnost Ministarstva.*

Članom 81. stav (2) Zakona je propisano da se u *centru predlaže, usvaja i realizira Individualno-prilagođeni program (IPP) za svakog učenika centra, u skladu sa pravilnikom koji na prijedlog Instituta, donosi ministar.*

Odlukom o pedagoškim standardima i normativima za odgoj i obrazovanje u osnovnoj i srednjoj školi (Službene novine Kantona Sarajevo” br. 3/25 i 29/25) odjeljkom 4.2. OSNOVNA ŠKOLA ZA ODGOJ, OBRAZOVANJE I REHABILITACIJU UČENIKA S TEŠKOĆAMA U RAZVOJU/CENTAR pod tačkom 4.2.6. propisano je GRUPA UČENIKA S TEŠKOĆAMA PRODUŽENOG BORAVKA, minimalno 3, optimalno 6, maksimalno 8.

Ministarstvo za odgoj i obrazovanje Kantona Sarajevo je donijelo Program sufinansiranja troškova produženog boravka za učenike od prvog do četvrtog razreda osnovne škole u osnovnim školama kao javnim ustanovama na području Kantona Sarajevo u školskoj 2025/2026. godini (“Službene novine Kantona Sarajevo” broj: 40/25) u kojem je navedeno da je *u skladu sa odredbom člana 46. stav (5) Zakona sačinjen program sufinansiranja troškova produženog boravka za učenike od prvog do četvrtog razreda osnovne škole u osnovnim školama kao javnim ustanovama na području Kantona Sarajevo te da se za realizaciju Programa zadužuje Ministarstvo za odgoj i obrazovanje Kantona Sarajevo. U dijelu koji se odnosi na način sufinansiranja programa je propisano produženi boravak za učenike koji nastavu pohađaju prema individualno prilagođenom programu sufinansiraju se troškovi boravka u produženom boravku.*

U inspekcijskom nadzoru izvršen je uvid u relevantnu dokaznu dokumentaciju iz okvira nadležnosti Inspektorata prosvjetne inspekcije Kantonalne uprave za inspekcijske poslove Kantona Sarajevo kom prilikom je utvrđeno da JU Centar za odgoj, obrazovanje i rehabilitaciju “Vladimir Nazor” ima 10 grupa učenika s teškoćama produženog boravka i da u svakoj grupi ima po 7 učenika.

Nadalje, inspektor je izvršio upoređivanje spiskova učenika u produženom boravku sa izrađenim Individualno prilagođenim programima koji su prezentirani inspektoru nakon čega je konstatovano da su izrađeni Individualno prilagođeni programi za 57 učenika koji idu u produženi boravak od ukupno 70 učenika. Individualno prilagođeni programi nisu izrađeni za 13 učenika i radi se o učenicima koji su I razred za koje je, prema izjavi lica prisunog inspekcijskom nadzoru, *proces opservacije još u toku.* U inspekcijskom nadzoru prezentirani su i zapisnici sa sjednica Nastavničkog i Stručnog vijeća na kojim su usvojeni Individualno prilagođeni programi za učenike, te detaljnom analizom izuzete dokumentacije inspektor konstatuje da je isti usvojen za 56 učenika od 57 ukupno izrađenih Individualno prilagođenih programa (nije usvojen jedan za dijete za koje nije bila saglasnost roditelja za Individualno prilagođeni program).

Napominjemo da za 13 učenika koji idu u produženi boravak nije još uvijek izrađen Individualno prilagođeni program i u konkretnom slučaju se radi o prvaćićima za koje su inspektoru prezentirane saglasnosti roditelja za izradu Individualno prilagođenog programa, kao i da je u članu 11. stav (26) Pravilnika o inkluzivnom obrazovanju (“Službene novine Kantona Sarajevo” broj: 37/25) navedeno da za učenika prvog razreda osnovne škole procjena traje minimalno 120 dana od dana podnošenja zahtjeva, iz čega proizilazi da su ti učenici u momentu vršenja inspekcijskog nadzora još u fazi opservacije.

U produženi boravak JU Centar za odgoj, obrazovanje i rehabilitaciju "Vladimir Nazor" Sarajevo idu i učenici koji nisu učenici od prvog do četvrtog razreda, već učenici starijih razreda za koje je izrađen i usvojen Individualno prilagođeni program čime je JU Centar za odgoj, obrazovanje i rehabilitaciju "Vladimir Nazor" Sarajevo postupio u skladu sa odredbom člana 81. stav (2) Zakona, te ti učenici, prema izjavi lica prisutnog inspeksijskom nadzoru datoju na zapisnik, plaćaju boravak obzirom da je Programom sufinansiranja troškova produženog boravka za učenike od prvog do četvrtog razreda osnovne škole u osnovnim školama kao javnim ustanovama na području Kantona Sarajevo u školskoj 2025/2026 godini navedeno da se sufinansiraju troškovi samo za učenike od prvog do četvrtog razreda.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a



